

0
LA ΠΡΟΣΦΩΝΗΤΙΚΗ
AD DILECTIONVM HER-
BRANDI M, THEOLOGVM
3 LUTHERANVM,

1 E DIPALATIO HILARITER COM-
2 fo turpiter agit, que per Magistellos, administratos scur-
3 is libidinosa existimet: sed ut ipse, si gloriam Chri-
4 ti, si studiorum veritatis, si defensionem pudoris suispectare,
5 si vir bonus consideri cupit; desertam aliquandiu
6 canum non atrocinio, sed sine scurrili in-
7 fidelatione, tuendam
8 suscipiat:

9 C R I P T A
10 A N N E P I S T O R I O N I D A N O ,
11 Theodo & Sereniss. atque Illustris. Au-
12 Baniz, & March. Badens. P.P.P.
13 Consiliario.



14 C O L O N I A E,
15 pud Geranion Malenium & hæredes Ioannis Quen-
16 elii, Anno M. D. XCI.

17 Gratia e pruilegio Cesarea Maiestatis UNIVERSITATIS
18 DE GRANADA

EPISTOLA ΠΡΟΣΦΩΝΗΤΙΚΗ
AD D. IACOBVM HER-
BRANDVM, THEOLOGVM
LVTHERANVM,

*NE DE PRAELIO HILARITER COM-
misso turpiter fugiat, neque per Magistros, ministros scur-
rilis libidinis pugnandum existimet: sed ut ipse, si gloriam Chri-
sti, si studium veritatis, si defensionem pudoris suispectare,
si vir bonus esse, videri cupit; desertam aliquandiu
causam nouo patrocinio, sed sine scurrili in-
setatione, tuendam
suscipiat;*

S C R I P T A
A IOANNE PISTORIO NIDANO,
Theologo Catholico, & Sereniss. atque Illustriss. Au-
striae, Bauariae, & March. Badens. P.P.P.
Consiliario.



C O L O N I A E,
Apud Geruinum Calenium & hæredes Ioannis Quen-
telij, Anno M. D. X C I.

Cum gratia & priuilegio Cesarea Maiestatis 

REVERENDIS-
SIMO ET CLARISSIMO
VIRO, D. BALTHASARO, EPISCO-
PO ASCALONENSI, REVERENDISS. ET
Illustrissimi D. Cardinalis, Constantiensis Episcopi Su-
fraganeo, & in summo templo Constantiae Cano-
nico, Domino suo & Amico singulari-
ter obseruando.



V O D sape hactenus optauit, Reuerendissi-
me Domine & obseruande Amice, ut testi-
monium aliquod obseruantia in te mea an-
te hominum conspectum appareret: id nunc
me, quanquam non satis oportuno & in di-
gnitatem tuam apto loco, tamen quoquo mo-
do consecutum esse, vehementer sane pluri-
mum gaudeo. Herbrandus, Lutheranus,
& Lutheranae Theologie apud Tubingenses Professor, Epistolam
meam ad Grynaū scriptam, que intercepta ab amicis, & me inscio
in publicū relata erat, appetenda magna, sed inani armatura, &
ad pugnam me depositendum esse, primum quidem hilariter exti-
stimauit: postea verò cum respondisset, sic perculsus fuit, ut per
vnum & dimidiatum annum tanquam somno cōsopitus taceret
semper: & orbatam iacere patrocino suo Lutheri societatem
pateretur: donec tandem, deliberatione inter amicos instituta,
cum, si in pugnam rediret, exitium existimationi autoritatiq;
suæ prauderet, non quidem ipse ad sustinendum bellum proce-
sit: sed primum Decanum conduxit, qui fugientem Herbran-
dum excusaret: deinde calonem aliquem de Magistellis Tubin-
gensibus in lucem protrusit, cuius periculo sic dimicaret: ut si ca-
lo impressionem aliquam facere posset, id ad Herbrandi & cau-
se Lutheranae laudem attineret: sin succubuisse miser Magi-
stellus: ut tum probrum in hoc hæreret: Herbrādus ab omni vul-
nere

E P I S T . D E D I C A T O R I A .

nere liber esset. Diligenter quidem illud excogitatum, sed tanquam in omnium, qui disputationem refugunt, communim ore atq; consuetudine positum, derisum ab intelligentibus viris omnibus fuit. Itaq; reuocare Herbrandum Epistola publica ad melioris consilij rationem visum est, ne fugeret: sed bellum à se susceptum, gloriose, si posset, finiret; vel certe ut in negotio Christi vincise à Scriptura & Ecclesia non granatae sineret. Eam vero ad Herbrandum scriptam Epistolam, sub paterno tuo nomine euulgandam esse putavi, ad omnibus huius & posterioris etatis curibus testandam obseruantiam, qua in beneficiorum memoria, quibus affectus sum, & propter summas virtutes, qua in R. Tua luxerunt semper, & splendent iam in extrema spectata grauissimaq; etate multò magis, merito te colo, & quousq; vita fruemur, colendum esse iudicabo. Accipe igitur Reuerendiss. D. tanquam pater à filio testimonium venerationis, & signum amoris: & gratia animi non quidem dignum beneficj, tamen quale iam profervi potuit, sincerum inditum: mibiq; quem cœpisti, amorem trahere perge. Vale, Vir obseruande, & Reuerendissime Dominae. Ex Friburgo Brisgoia 14. Februarij Anno XCI.

Reuerentiae Tuæ
Paternæ

obseruantissimus &
amantissimus

Ioannes Pistorius.
Nidanus D.

IOAN.

IOANNIS PISTO- RII NIDANI D. ET THEO-

LOGI CATHOLICI, EPISTOLA AD

D. IACOBVM HERBRANDVM, LVTHE-
RANA Theologie apud Tubingenses:
Interpretem.



VO DIScenici Actores in ludis solent, vt fabulæ confessò uno actu, de theatro subducant personas: & ad oblectandum parumque sustinendum populum in vacuum theatrum, quo usque Magister scenarum se sociosq; lusores recollegit, Mimos, & ineptos gesticulatores, vel monstruosam bestiam intromittant, fuseq; cachinnos irridentium spectatorum commoueant: id à te, D. Herbrande, in eisdem ludis exercitato sene, cùm primis in nostra concertatione spectari videmus. Nam cùm ante biennium & amplius contra meam de Ecclesia Christi ad Grynaeum scriptam Epistolam, nemine iubente, Theses aliquot tanq; primos Lutheranæ fabulæ versus, in publicum retulisses: cæq; libro meo, quem sub *Avaldsæus* nomine in cōspectu hominum apparere volui, obiurgatæ repressæque grauiter essent: audiuiimus, quemadmodum omnium Lutheranorum animi, qui vulneratas tuas & concisas copias summopere dolebant, ad te suspicerent, planeq; sperarent, vel nouo conatu nouam te daturum esse fabulam, vel cùm primus actus tibi perijset, progressurum esse ad secundum: non fortassis vt finires ludum, quod nemo ex Prologo Comediæ, Thesibus tuis, suspicabatur: sed ne profugisse ex theatro, & deseruisse summam maximamq; causam, quæ sola Lutheranæ Religionis iugulū incidit,

incidit, videri posses. Et quidem cùm nimis diu differres, & in Schmidlini, fabri vestri, antecefforis tui sinum, libri mei & laqueorum, quibus te induisse, vehementiam, & quomodo te constrictum esse sentires, timidè apere ruisses: istæque voces, ante sesquiannum à te emissæ, per vniuersam Germaniam longè lateq; spargerentur: desperatum de audacia veteri tua à multis erat: cùm tu nuper vetus artifex, nouam populo spem ostendisti: & nō quidem ad persequendam statim processisti fabulam, tamen scenam non diruisti, & monstrum ex cauea vnu atque alterum ὄντας & cicatricosi rustici obiectasti sub hominum aspectum: sine dubio vt ista hilaritate cū sape multumque risus excitatus esset, exspectationem populi lenires, & tu interim tanto magnificentius apparares ludum. Illud verò profectò consecutus es, vt in toto mundi & gentium omnium theatro, ridicula monstra tua plurimam & iucundissimam hilaritatem, non solum deformi turpitudine, sed & inusitata latrandi rabie, & variata interque se confusa asini & canis similitudine afferrent. Alterum igitur, quem calceatorem nominare visum fuit, quod humanam formam præ se ferret, & tamen & in latrando canes, & in rudendo asinos, tam aptè, & tam concinnè imitaretur, diu ad summam voluptatem risimus. Nam cicatricosus rusticus, quod nimis ineptus esset, & detracatis pigmentis, quibus aspersus erat, totus putido squalore solderet, nec se ipse mouere propter foetorem posset, depulsus statim fustibus de theatro, & in eum locum, cui Vitenbergenses Philippici studiosi nomen Illyrici Flacij imposuerunt, proiectus fuit. Calceatorē autem ipse aspexi: & quia tres præ se formas ferebat, primū homo an bestia magis esset: deinde an sub humanam externā specie natura duas internas dissimiles formas, canis & asini, subiecisset: an verò tantum bestia esset, sub effigie & imagine hominis, diu mecum & cum amicis deliberaui. Interim cùm in variis tracta partes & disceptata sententia sic esset, vt ppter dif.

disparitatem sonorum in bestia, quid concluderemus, in dubium veniret: mirati tamen solertiam tuam & cōstantiam sumus in retinenda veteri consuetudine: dein de perfusas in bestia tua formarum similitudines hilari- ter aliquandiu oculis animoq; perquisiuimus.

Risinus verò & illud, quod Decanum laudatorem bestiæ apposuisses, qui non tantum bestiæ virtutes percenseret, sed tanquam præcentor in laudis fabulam nouam de Antichristo, nō attinentem ad bestiam tuam, & toties iam de theatris tuis reiectam, cantaret. Vix etiam absurdè canendi Decanus finem fecerat: cùm latratus & ruditus bestia triformis, triforme mobile cicatricosi rustici, ingeminaret, & uno inflatu duos externos sonos cum humana rudi voce permiseret, vt absurditate ipsa cieret risum maximum.

Nec certè quicquam nobis ad summam voluptatem accidere potuit isto spectaculo iucundius: tantoq; magis, quod pene desperatam spem noui actus, de fabula tua rursus suscitares: & ad istam nos diu optatam exspectationem erigeres. Nam quod præco bestiæ, Decanus tuus, tantam spem frustra interscindit, & quasi indignum meduceres, cum quo in theatro depugnares, inter præcinnendum magno clamore nuntiat: statim intelleximus falsum, & à Decano confitum esse: cùm neque te ferre sciremus, vt tanta tamque turpi macula nomen tuum asperges, quod eosq; summo studio referre ad posterorum laudem atque memoriam cogitasti: neque credere nos, quod Decanus clamauit, recordatio colloquij veteris cum Schmidlino tui pateretur:

Agnoscis ipse, quām turpe sit, cùm bellum moueris, cùm indixeris pugnam, cùm primus sustuleris manum, cùm, vt tecum dimicarem, singulari studio, & tum fusiflava ad Principē missa epistola, tum Thesibus tuis provocaueris, iam accepto primo vulnere, sub ista simulatione, fugere de prælio, & procurrere de statione, in quā ipse ante totius mundi conspectum locaueras: præser-

tim cùm fuga illa turpissima non te tantum in contemplationem, sed Sectam vniuersam tuam in extremum exitium projicat.

Deinde quanti feceris librum meum, & quantum ille tibi incusserit metum: non obscurè significasti, cùm primum in literis, deinde in cōfessu bonorum hominum, postquam satis longum tempus post publicationem libri mei interfluxisset, Schmidlino, Reuerēdo fabro tuo, gratias humiliter ageres, quod excogitanda duplii Ecclesia magna te liberasset molestia, & præmonstrasset viam, quemadmodum à Pistorio obiecta solueres. Etsi enim tum statim ab ipso Fabro deliberatum de Calceatore, & ex te quæsitum fuit, an ad sanādum vulnus tuum Calceator in theatro pro te apponendus esset: tamen ipse pugnam tecum instaurare, & sub latebris Metaphysicæ Ecclesiæ turpitudinem occultare vestram constitueras: vt primū in literis, quas manu tua scriptas iussisti ad Fabrum perferriri, cùm ille iudicium de Thesibus ad me mittendis tuum peteret, significasti: deinde te in mensa, in accusatione epulari, in isto cum Schmidlino Colloquio loquentem & exultantem subtilitate & inuolucro duplicitis Ecclesiæ audiuerunt amici, & inter eos M. Zehenderus, Fabri affinis, & Sectæ vestræ tum affectator studiosissimus: iam Christi & Catholicae Ecclesiæ clarissima pulcherrimaque procreatio, Vir præstanti pietate maximaque doctrina: cuius testimonium, & simul literæ, quas habemus, te, si negas, conuincent.

An igitur illum, cuius argumentis illaqueatum te, & iugulatam causam tuam sentiebas, indignum iam reputares cum quo finires illatum audacia tua & susceptum temeritate bellum? An quem tum non contemnēdum esse videbas, iam auctus accessione generalis, & per omnes errores perfusa Ecclesiæ, haberes pro ludo? An utilior esse labor posset, quam præcipitatæ Lutheranæ Sectæ accurrere subsidio: & obligare vulnus, quod ipse inflixisses?

flifaxisses? An nō conueniret, vt quæ Decanus tuus palam confitetur, à quibusdā in Theologia vestra mediocriter versatis percipi non posse, tu tanquā dux belli, & primus clamator explanares? teq; ad finem negotij, dum fabulam totam tuam populo exhibuisses, sustinetes? nō quidem ad spem victoriae, quam scio à te non spectari: sed ad tuendam existimationem authoritatemque tuam? ne cùm fabulam deseris, fabulam ipse te mundi faceres?

Verū ista de te non credemus: sinemus Decani tui libidinem esse: qui tibi fortassis metuens, vt extra periculum te sisteret, inuitum subtraxit ex prælio: substituit bestiam: quæ sub minori sectæ discrimine à me conficeretur: & cùm confecta esset, integrum tibi stationem tuam relinquaret. Magna quidem illa in filio huius sæculi circumspectio: sed nos, qui de te virtuteque tua longè rectius sentimus, quite Magistrum Scenicum, antequam acta tota sit fabula, de theatro discessurum magno ludibrio tuo non putamus: ne quidem si in annum vnum adhuc actum alterum fabulæ prorrogabis: qui & veterem cum Schmidlino hábitum sermonem recordamur, & properea móstrum hoc in scenam iniectum esse existimamus, vt nos distineres, & spem confirmares nouæ fabulæ: Nos, inquam, Decani figmentum facile contemnimus, & te authorem belli, ducem pugnæ, auctorem comoediæ, veterem athletam, in scena, quam ipse ædificasti, & in qua apparere cum primo actu fabulæ voluisti, rursus exspectamus: vt post satis derisam bestiam tuam, quia continuari fabulam Lutherani clientes tui cupiunt, neque ludi se diutius per bestiam sinnunt, tu rursus redintegratis copijs, & collectis nouis ad agendam fabulam aptis personis, in theatrum procedas. Id dignitas tua, quæ isto adiumento fulciri apud Lutheranos debet: id exspectatio hominum, qui te pro bono Viro habent: id nomen Theologi, quo gloriaris: id parata tibi, si fugies, ignominia maxima postulat: nec te

gere maculam potes, si non venies: ne quidem si centies Decanus tuus, mirabilis simulator, indignum Pistoriū fingat, cum quo tu disceperes: sub qua fraude, in qua ille occultare vellet, nos latere non patiemur: non magis quam cùm aliquando Reuerendum P. Gregorium de Valentia, cùm illius in libris publicis infusam lucē te nebricosis oculis aspicere nō posses, voluisti, Puer Magistrum, indignum responso tuo ducere, & illo tanquam communi omniū ineptorum hominum perfugio & diuerticulo ex laqueis, quibus te obstrictū tenebat, elabi.

Tamen ne fortassis Decani garrulitas fucum tibi puerilem faceret: vt ea quæ à nobis omnibus nimis aperè sentiūtur, specie veteratoriæ simulationis obtegi posse cōfideres: visum fuit, Epistolā mittere, quæ officij te tui moneret, & ad id nō intermittendum, quod, proiecta nuper in theatrum deformi bestia, tanquam ad nouum actū proludens, sperari à nobis voluisti, & qđ diu ante in sinū Schmidlino tuo, absurditatum fabro, infudisti, tanq̄ stimulo impelleret. Recogita quid tum dixeris: crede illud, amicorū sermonibus, infixū in animis, & inscriptū in sensibus nostris, & testatum literis tuis esse, vt inficiari non possis: deinde si non esset, considera tecum qua primū alacritate bis bellum denunciaueris: quos terrores, quibus minis iecceris: quomodo ad pugnandum, & ad conserendam manum, quanta celeritate, quantoq; studio processeris: vt etiam ad me depositum, tuarū Thesum mutares, monstrosi illius & iam confecti partustui, primum folium.

Ab ista hilaritate, audacia quæ tua, si te vna dimicatio deiecit, si ab uno vulnere sic confectus es, vt hastā abiicias, & quia vides hominibus vincendi spem relictam non esse, pugnam transferas ad bestias, nec iam humano, sed brutorum sanguine falsitatem tuam sustineas, quam partem veteris glorioſæ ostentationis putastibi futuram reliquam esse: non quidem apud Catholicos,

qui

quite semper despicerūt, sed apud Vbiquistas Lutheranos, apud quos multitudō frequentiaq; scribendi & ætas maturitas, literaturæ communis & Lutheranæ Thcologiæ opinionem maximam parauit?

Nec enim quisquam tam hebes, truncus, & bestiæ tuæ similis erit: vt, si centies confirmes, indignum tibi vide ri Pistorium, cum quo suscepsum bellum perficias, verum esse iudicet. Nisi tritum illud & vulgare perfugiū est: ad quod omnes, qui causæ diffidunt: qui se persequi posse, quod instituerunt, nōn sperant: tanquam ad imbecillitatis ignauiaque partum, receptum habent: nec vt tu rectius illo quam indoctissimus quisque: nec plus causæ afferre potes, cur in angiportum istum temeritatis, & in istam caliginem inanissimæ fallaciæ te coniicias. Ego vero semper, quoties sub his tenebris abstrusus receditusque iacere cogitas, quoasque bellum nos redintegabis, & quandiu secundum actum fabulæ tuæ non appones, exclamabo, ludificatorem te mundi, & desertorem esse causæ maximæ, quam ipse versandam tecum, cùm nemo iuberet, in humeris tuis reposueras: & quam non oblatam, cùm te nō attingeret, vltro attraxeras. Istam tantam causam inclamabo in omniū aures, relinquā te neglectam, & defensione, in qua te insolentissime iastaueras, patrocinio que tuo orbatam: nec dicam te fugere: dicam toto corpore concussum & conculcatū, non habere locum ubi consistas: non arma, quibus pugnes: non animum, quo te ad pugnam suscites: non res, quas tractes: non verba, quæ enunties. Dicam te, postquam, quid vis belli & armorum possit, magno incommode sensisti, non iam tu velle, sed alieno vilissimè bestiæ periculō subire cōmunē Martē, incertosq; bellorū exitus: ubi, si confossa bestia reiecta q; de theatro sit, viator laufeam nullam referret: & tu maculam inustam bestiæ, facile à te vultuq; tuo rei; cresimò si vulnera bestiæ animaduertisses, cauere tibi deinde, causæq; tuæ plus posses.

X 2

Ita

Ista de te dicam: & lacefam semper: si Vir bonus: si amans Religionis, & appetens salutis: si excultus literis & perpolitus studijs videri cupis: clamabo vt ipse in theatrum progrediare: ipse pro conuulsa Ecclesia, protrita-que Religione tua pugnes, primus author pugnæ: ipse sub nomine tuo appareas: fulcias ruinas causæ: suppleas concisos milites: & officiū Disputatoris ministres. Ni- si feceris, in cælo, in aëre, in parietibus, in libris inscribe- mus: victum Herbrädum profugisse ex castris: nec spem iam in re alia, quam in latratu morsuque canis, & rudi- tate a fini habere repositam: vt scurrili dicacitate, & im- moderata coruiciandi libidine, & perpetuo ruditu non vincat, sed simplicioribus, quasi pugnam quoquo mo- do sustineret, persuadeat.

Verùm, vt dixi, ego quidem de te meliora spero: & vt à tuis terreri non finas, per Dei te gloriam, si unquam illam spectasti, per Ecclesiæ pacem, per animæ salutem rogo. Nec tum labore, bestiæ tuæ, an alijs armis pugnes: contentus sum; quia meliora non habes, vt illa eadem armamenta detracta de bestia, tibi accommodes: in li- brum tuum trāsscribas: & quod plus est, vt tantum pau- cis verbis, placere tradas, affeuerationeque tua confir- mes. Nec enim, si centies Decanus spectabilis tuus pro Collegio præfetur, suspicabor te senem & Theologum, non dicam maledicentiam & procacitatem, sed rerum inanitatem, & intolerabilem ignorationem laudare in bestia: nisi deliratio senilis in affecta ætate sic hebes- tem animum oppressit, vt quæ infixa in sensibus sunt cō- munibus, non amplius iudicet. Tamē antequam manū tuam oculis, & vocem auribus suscipiam, non existima- bo probari, turpiter à bestia tua sordidas chartas: non quod nesciam proprium esse scholæ Lutheranæ, nō πρός τι, nec πότε, sed πώς, furiösè conuitiari; qui enim fieri pos- set, vt Lutheri nutricatoris scurræ conuitijs, tanquam pabulo educata, & eius effrenata maledicentia tanquā nutri-

nutrimento pasta; non esset patris similius: sed quod tamen iuuenilem turpissimam petulantiam, & extremā inscitiam, quemadmodum vir annis & literarū studio senex, non vituperes, non videam.

At si literam vnam appones assensionis tuæ indicem: tum & credam continuo, & bestiæ setis circum vestitū, vt antea militum ductorem, aggrediar statim: nec male dictis te consindam, quod in more Ecclesiæ Christi po- situm non est: sed causæ falsitatem ostēdam ex communi- ni omnium hominum iudicio: & inanissimam nebu- lam, qua errorem bestia sepire & obscurare voluit, uno afflato deiiciam: gratificatus optimæ causæ & persona- tuæ.

Dices, cur igitur bestiam de theatro non depellam? Verùm Herbrande, an in ætatem conuenire dignita- temque meam putas, vt tam turpem & ignauam bestiā ego abigam extra ludum tuum iniectam in scenam? cùm inferioris scholæ pueri sint quamplurimi, qui pos- fint, & si iubeam, fustibus & virgis accurrent omnes? An tuam cohonestandam esse nomine personaque mea be- stiam iudicas? An vis honorem bestiæ haberi, quem tu mihi non habes, vt cùm Decanus tuus responso me in- dignum insidiosè ficequé reputet, ego dignam esse ex petulantia conflatam, & coagmentatam ex bonarum artium inscitia bestiam, facto ipso declarem? Ne arbitra- re, Herbrande: ne quidem si cētum bestias calceatrices, centum rusticos cicatricosos, centum Pappianos scho- lasticos, centum nigra prædicabilia, centum Osiandros protein theatrum intrudes.

Causam de Ecclesia tecum: de Verbo Scripto cum Grynæo suscepit: finiam cum utroq;: vel si facebitis, gau- debo, & satis defensam Christi Dei nostri causam, & ve- strum conuictum errorem; & deinde ad melius domi collocandum tempus, & ad longius in Ecclesiam profe- rendum assiduitatis diligentiaque meæ fructum, libera-

tum me altercationibus esse iurgisque vestris. Bestias, scholasticos, prædicabili a, mancipia, scurras, quotquot in ludo ad commouendum cachinnum populo, & ad ornandam fabulam vestram apponetis, si opus esse videbitur, alij conficent minorum gentium, & inferiorum scholarum sectatores, non iam primam scholæ laurea consecuti, quod Badenis in Fabrum tuum deliberaueram, sed qui ante lauream in vestibulo primoque Logicarum artium aditu consistunt; illi emissarios vestros, quorum sordibus maculare honestos Catholicos Viros, & quia causæ disceptatione non potestis, frangere recriminationibus, & obruere maledictis, & rædio affectos deducere de prælio constituitis: illi obiectos excusores vestros, sub quorum periculo vobis pudoriq; vestro parcendum putatis: illi scurras vestros conuellett, non reiiciendis tantum maledictis, sed aperiendis erroribus, & reprimenda petulantia, & nudanda fatuitate.

Nostro, Herbrande, iactato à Decano priuilegio perfruentes, melius domi ponemus horas: & semper præfatorem Decanum reperiemus, qui vtilioribus nos laboribus consecratos esse testabitur: verius certè quā Decanustuuus de te dixit: cui si fidem non habebitis, considerate animis iudicisque vestris, an æquum sit tuo clamatori Decano fidem adiungiri nostram?

Tamen adhuc quæres, cur igitur bestiæ tuæ iam statim talis scholæ alumnus nostræ obiectus non sit? Dicam liberè, Herbrande: Attende. Aut enim tum exemplum à bestia tua expositum imitari: aut verba, quæ pro argumentis, non dicam non ad Dialetticam, sed ne quidem ad Sophisticam speciem per librum sparsit, quā ignominiosè sordideque posita sint, ostendere debuit. At neutrū iam fieri necesse fuit.

Nam si effigiem ex bestiæ libro duxisset: primū censes Decanumq; tuum, vt ille me solet, stolidissimos asinos: ducenties virgis fustibusque consindendos: trecentics

centies circumforaneos: quadringentes stupidissimos laicos & ineptissimos præstigiatores: quingentes calumniatores pessimos, & mendacissimos & nuguendos: sexcenties virulētissimos Thrasones, & superbissimos nugatores, & dicacissimos scurras: millies Grāmaticæ & Logisticarum artium omnium, & ipsius Lutheranæ Theologiæ imperitissimos & futilestimos calumniatores nominasset: & quia duo estis, amplificasset plurimū. Deinde debuisset omnia mentiri: peruertere latratus, & inuolueret ruditus bestiæ: vexare omnibus contumelij Sanctos Patres: eorum corrumpere & mutilare sententias: nescire & torquere Scripturam: non Sophisticari, sed ne quidem simulacrum exhibere Syllogismi: ignorare ipsum Donatum, & nec intelligere Latinè scriptos libros. Sic imaginem bestiæ expressisset: & sic se commode ad exemplum retulisset istius libri. At fatere, Herbrande, quid inde commodi ad Christi Ecclesiam, quid ad causā, de qua controuersamur, quid ad Lectorē peruenisset? Expromie animi sensum tui, qui notus nobis cæli ab abscondiç; non potest: quomodo ista scurrilia conuicta, quomodo nugas, quomodo mendacia tulisses, si in te infixa persona mque tuam essent? Et tamen duos vel tres iuuenes nostros atrocitas facti sic animauerat, vt nisi repressissem, in te Decanoq; tuo iam haererent omnia, quæ in me temere nugatorieq; vt coniijcerentur, & concupiuit, & assensione miseriaque sua sustentauit Theologiatuæ Decanus. Nec enim imitandam Hæreticorum insolentiam, nec transferendam in nos turpititudinem vestram esse sentio: rideo magis, & tanto effusius, quo magis vos non ad facienda conuicia, sed ad furenter insaniendum, operam & confertis ipsi, & coaceruari cumulariique à vestris iubetis: quo me animo esse amici norunt. Sed si, Herbrande, pudoristui discrimine conditionem accipies, poenamque pro nostris apud Deum sufficiens: vel si omnino requires: breui pulcherrimam istius:

istius libri videbis translatam ad te Decanumque tuum effigiem: ut ipse sis honesti iuuenis in imitando solertiā, & in refigidis conūcijs venustam, & cum Christiana verecundia cōiunctam celeritatem admiraturus: quod vt pro iure tuo à me repetas: id ēst: non vt abuti vos studijs meis finam: sed tantum vt pueris nostris relaxem frenum, non ad nouas accēdendas, quod Catholicus nemo potest, sed ad veteres suscitandas vestras & agitandas furias, in arbitrio tuo ponam. Habis Herbrande, cur hoc quidem tempore primæ Dilemmatis parti locum non dederim.

Secundæ alia est ratio. Nec enim conuitia perspicue falsa reprehensionem, nec res, quæ nullæ sunt, nec verba cætera refutationem postulant, sed primū satis est, si latratus & ruditus omnes in bestiam & in ventrem bestiæ retrusi, amendentur Tubingam: vt quantus quamq; stupidus asinus, & asinorum princeps, & scurra, & ignarus omnis literaturæ, & circūforaneus, & nugator, & scelestus Magistellus tuus, saxeæ sapiētiæ insipiens habitator sit; Præceptores cognoscant, & tanti discipuli tanto ingenio, cùm ista omnia in se resorbuit, latetur, & nouum nouis patribus datum filium, factum rursus nouum patrem, triumphent gaudio. Nec enim, cùm reflexos ab honestis adolescentibus latratus & ruditus bestiæ secundò audient, dubitabunt canem & asinum esse: Aut an accidere posse existimas, vt, qui sic latrat, non sit canis? qui sic rudit, non sit asinus? An qui tantum asinos, & scurras, & beanos, & nugatores, tanta copia de se in librum vomuit, asinus, & scurra, & beanus, & nugator nō erit? nisi fortassis stolidum caput sic exhausit, vt vacuus non solum ab his sordibus, sed ab omni honestate sit relitus? Atqui id quī conuenit in tantum tamq; canum & asinorum ferox ingenium? Isto igitur modo latratus & ruditus omnes repressisset, cuicunque scribendi datum fuisset negotium: vt librum nouum scribi non esset

Ista omnia, sumpta ex bestiæ libris, non à me primū posita sunt: quod lector obseruet.

opus:

AD D. IACOBVM HERBRANDVM. 169
opus: remitteret tātū ad canibus & asinis grauidatum ventrem reiectos partus: & gratularetur tantam fœcunditatem Theologici Lutherani Tubingensis Collegij Decano.

Quod ad verba pertinet: video, præter ea, quæ in Germanico sanctissimi Principis IACOBI Marchionis iam publicato libro refutata sunt, prorsus nihil esse, quod minimam solutionem requirat: nisi vt mentitum esse, & delirasse omnia, breui summa, breuissimaque complexione dicat, qui respondendi aliquando partem sustinebit; sed particulatim iam explanari, antequam tu noui patris vetus pater in ludū prodeas, quorsum attinebat? Quis puer priusquam tu litem tuam faceres, tanto asino responderet?

1. Accidentia Panis non esse Speciē, quia Species una significatione sit quidditas, puer quisque literarij Latini ludi procul dūbio refutabit, & non vnam esse vocis notationem ostendet, cùm Speciem non prædicabile aliud, non essentiam, non quidditatem, sed Germanicè (*Eingestalt*) in Donato, in exēplo quinta declinationis, ex libellis scholæ tuae interpretabitur: vt de Porphyrio nihil dicam, quem bestia nunquam aspergit: nihil de Cicerone, patre Latini sermonis: nihil de exemplis Scripturæ. 2. Non esse in Luca capite primo, visum fuisse S. Euangeliæ vt omnia scriberet: rursus Grammaticus puer cum summo ludibrio bestiæ docebit, cùm (*πᾶσιν*) ad (*παρηκόλαθηκόν*) in Græco: & in Latino (*omnia*) ad (*affequito*) pertinere: & (*πᾶσιν*) non posse referri ad (*περὶ τοῦ*) asino tuo, ex Syntaxi, & ex primis Grammaticæ Rudimentis monstrabit: & ipse legendo animaduertet, non omnia, quæ sunt in reliquis, & ne quidem Baptismum esse in S. Luca. 3. Quadraginta sex testimonia pro sola fide in nugatoria Vitenbergensium contra P. Belarminum & Hansonium cauillatione proferri, puer ætate ad numerandi scientiam progressus reuellet, cùm patres ipsos cognoscet. 4. Charitatem non esse opera, causam non esse

Y

affectum

affectum, nec opponi in Scriptura fidei, rusticus Scythicarum gentium stipes aliquis ostendet. 5. Psalterium S. Bonaventuræ, offensionem Lutheranorum, fuisse confirmatum à Sixto IIII. & Innocentio VIII. Catholicæ mulierculæ ridebunt effusæ: cùm scripturientem bestiam, quid apud Catholicos, & in Bulla Sixti sit Psalterium Virginis Mariæ, non intelligere sentient: & ipsi inferiorum scholarum decennes pueri ad virgas depositant, quod rem in Bulla perspicuis Latinis verbis explicatam, nempe, Psalterium Virginis Mariæ, quod confirmet Sixtus IIII. esse quindecies uno die repetitam orationem Dominicā, cùm semper post quamq; orationem subiungat decem salutationibus Angelicis, bestia ne quidem legere possit. 6. Adorationem Corporis Christi in accidentibus panis recentiorem esse festo Corporis Christi, & in Bulla Urbani IIII. nihil esse de adoratione Sacramenti: quomodo rustici VVitenbergici, qui in Osiandri scurrens currilibus nudis contrarium notarunt: quomodo pueri Latini sermonis intelligentes ferent, cùm Bullam ipsam legent? 7. Panem à Catholicis adorari, quanta est ruditas? 8. De cœlibatu Sacerdotum consentire Ecclesiæ Græcæ cum Lutherana consortione: & pro Martyribus veteres obtulisse Deo preces, quibus oculis, in quo libro bestia legit, vbi legere honestus nullus puer, senex honestus nullus potest: cùm omnes recordationem iustorum factam: non fusas pro illis preces esse legant? 9. In Hortulo animæ, qui totus est Catholicus, esse sententias pugnantes cum Catholicis Bernhardū in Pontifícia Religione non emigrasse de vita? Pontificios nō esse qui clamat: perditè vixi, meritum meum Christus est: eo que neminem in mundo esse Pontificium, quis puer & rusticus non damnandum & corrigendum virgis existimat? 10. Hosium Virum maximum, ea, quæ bestia in calce nugarum clamat, pro sua sententia ascripsisse, & non tanquam aliena de hæreticorum sententia recitasse, an adhuc

adhuc virgis, & non fustibus, non ipso suspendio vindicandum erit: an lucem aspicere audet, qui ista scribit? præfertim postquam R. D. P. Belarnius grauiissimè patres ipsius, veteres noui patris patres, mendacij concivit & coarguit publicè? 11. Negari à me in genere, Propria differentium esse subiectorum, vt bestia ab omnibus humano sensu aliena vociferatur, quis classicus Latinus puer legens librum meum dicet? & non potius bestiam saxis de theatro depellet? cùm expresse isto loco, tribus lineis ante, de quo proprio loquar, traditum expresse clarissimeque circumspetum sit? 12. Inficiari me, annuntiationem & prædicationem Euangelij in Scriptura esse rem vimam, si pueri à bestia audirent, & legendo libro meo, immò legendis meis à bestia sordidatis verbis cognoscerent, annunciationem, non vt in scriptura ad certam significationem adhibetur: distingui à me cōtra prædicationem: sed vt à te, Herbrande, Thesi 119. pro simplicitus recitatione de charita, turpissimè ad occultandum furtiuæ Ecclesiæ ministerium inflectitur, quid Herbrande iudicas? ridendam an obruendam lapidibus bestiam putarent? 13. Epiphanium vota tātum soluisse mortuis, quis Græcus honestus puer prima aetate non reprehendet? cùm eodem loco in Epiphanio intermissa à bestia aspiciet, quæ sequuntur: ἀφελεῖται οὐκέπερ αὐτῷ γενομένη εἰχε, ἐκαὶ ταῦτα τῷ ἀπαυτέρῳ μὴ ἀποκόποι, ἀλλὰ δύν γεδίαι τὸ πολλάκις εἰ κίσμῳ ὑμᾶς ὄντας, σφάλλειδας ἀκούσιας, τε καὶ ἐκποτίσιας, ἵνα τὸ ἐντελέσθερον σημαῖναι, καὶ γέρδην δικοῖον, ποιῶμεν τὸν μνήμην καὶ ὃ τὴν ἔμμαρτον τωλῶν ὑπὲρ εἴλετος δεῖ δεόμενοι. & Latinè: (iuuat autē etiam (audi Herbrande) iuuat ultra vota, ultra spem adhuc amplius) oratio pro ipsis (mortuis) facta, quanquā totam rationem criminum (ea omnia quæ peccauimus) non absindit. Tamen quia sepe cùm in mundo versamur, tū lubenter, tum iniuiti peccamus, ut id quod perfectius est, (nimirū Christus) significetur, facimus & peccatorum & iustorum mentionem: pro peccatoribus quidem implorantes misericordiam

cordiam Dei &c. Ista, verò nexa coniunctaque cum priori textu, cùm Christianus Græcus puer primis oculis intuebitur, quæ verbera incutiet bestiæ & quibus flagellis cædet? 14. Chrysostomi sexagesimam nonam orationem, proximè antepositam orationi septuagesimæ, quam bestia consputauit, si puer considerabit, & verba Chrysostomi animaduertet, ab Apostolis sanctam esse in *Sacrificio orationem pro mortuis, & multum inde LVCRVM MORTVIS, MVLTAM VITILITATEM contingere:* quot virgis, quot saxis, quot maledictis vota bestiæ tuæ faciet? Idem de S. Ambrosij fiet: idem de D. Augustini locis omnibus: idem de testimonij Scripturæ.

Hæc, & sexcenta alia: id est, mēdium continuatione vnum, partitione & geminatione multiplex: si quis tibi Herbrande obiecisset: si nugas infinitas percensuisset: si demonstrasset, nullum meum argumentum sine vitio à bestia appositorum: nullum ab illo recte, ne quidem ad Sophisticæ subtilitatis speciem, (id est, quidditatem bestiæ tuæ) conclusum: nullam Scripturam, nullum SS. Patrum testimonium commodè & integrè ascriptum: omnia esse malitiosè depravata: turpiter peruersa: crudeliter corrupta: mendacissimè explicata: ineptè inuoluta, quid dixisses? Negas quod bestia peccauit ad te pertinere: & ipse condemnasses bestiam: confessus es illa omnia, & Epiphanio, & S. Augustino, S. Ambrosio, & S. Chrysostomo, & Tertulliano, & Scripturæ fieri iniuriā: dispuicuisse quod monstrum, quod bestiam, quod asinum, quod canem, Decanus tuus venalis furialis bestiæ laudator; ineptus Decanus produxisset: quod prodidisset turpitudinem deformitatemque vestram. Tum verò is, qui bestiam abigendam suscepisset, quid collegisset lucrū? nisi quod oculos tibi aperuisset, ad minus amandam bestiam, & ad eius detestandam foeditatem? Itaque duos honestissimos adolescentes, qui bestiam tuam sub Grammatico & Dialecticō vulgari exercitio in: aditu primo,

primo Laureę in schola publica nostra cōfodere, tū maledicta omnia, quæ ab inhumano & agresti bestiæ furore in medirexerat, illigata in uno fasciculo, in te spectabilēmque Decanum tuum, tanquam authores incredibilis Lutheranæ petulantia, reflextore constituerant, ægrè continui, vt eosque different, dum de assensione tua, publico testimonio nobis liqueret, an omnia istius bestiæ pro tuis probares: vt, cùm liberè palamq; scopum ipse te proposuisses, appulsa immissaque non tum ab illis: sed à me ipso tela cohærerent firmius. Si enim facies, vt ante Pentecosten, quo sis animo, certum sciam: non quod tu fecisti, induam alias personas, vt pro me pugnēt: nec sub alieno scelere, nec per cuniculos te petam: ipse quamcunque militiam educes: etiam cùm istas bestiæ inanitates & ruditus repetes, in pugnā progrediār, & vt primas copias fugaui, si alteras restinguam, & de lebo funditus: non profectò maledictis, tanquam Satanæ, sed rationum firmamentis & mansuetudine, quasi Christi miles. Verū si tu antiquum obtinebis, & bestiam in theatro relinques: actumque nouum nullum eosque apparabis: tunc pulcherrimum ego de te profugiente triumphum, in omnium bonorum oculis agam: tamen quia probari à te bestiam suspicabor, pueros optimos obijciam, vt cum præconibus pro arbitrio suo bestiam consopiant, non quod committam unquam, vt arte vos conuiciandi æquent vel vincant: debitam enim, & à patre Luthero suscepitam impudentiæ & criminatiois gloriām integrām vobis relictam esse volo: sed vt parem meritamq; gratiam, non per iniuriam, vt vos fecistis, sed maximo summoque iure; multo meliores pueri quā Magistellus vester vir est, retribuant, & illa solūm, quæ ipsi in me finxit, asinorum, & scurrarum, & nugatorum, & Thrasonum, & stipitum, & truncorum, & præstigiatorum cognomenta, inscripta in vobis, exarata in frontibus vestris, infixa in personis, incisa in magni-

magnificis titulis, sculpta in statuis saxisque vestris, suspendant, ante omnium terrarum & gentium conspectum. Quia in re, nullam mihi certe regerendis vestris scurrilitatibus iucunditatem parient: tamē ut aspersam illuuiem vestram optimi adolescentes de vestimentis abstergent nostris, & tanquam grati scholæ vestræ vicini, res vestras vobis dominis & possessoribus reddant; & quæ pleno iure vestra sunt, ad vos remittant, à quibus per imprudentiam fluxerunt: cur, Herbrande, & quo pretextu, & quomodo sine iniuria vestra, & sine furti suspicione prohiberem?

Intelligis igitur, Herbrande, cur bestia tua nondum deiecta de theatro: & cur tibi reléta sit: ut qui per Decanum in scenam proferri iussisti, ipse baculis & lapidiis concisam & laceratam flagellis propulses.

Hic si fortassis in scribendo vehementiam incusabis meam, quod hominem nominem bestiam: si ad infinitam latrandi libidinem, si ad licentiam incredibilem de rebus incognitis iudicādi, si ad proiectam & extremam ruditatem, si ad totam miseriam respicies: mecum, Herbrade, senties: & eum, qui est abstractus ab omni humilitate, & ab omni sensu moderationis tam longè disius: nec hominis ostendere effigiem, sed furentis bruti in libro exprimere simulacrum voluit, ipse non ab externa corporis forma hominem, sed à similitudine morum, & à specie (id est essentia & quidditate) bestiæ, bestiæ nominabis. Doleo ipse Magistelli procacitatem: doleo scholæ vestre consuetudinem: doleo & iussum vestrum, & ipsius obsequiū: nec me deformitas vestra afficit: nec imitatione nostrorum hominū ad nos traduci turpem consuetudinem vellem: opto ut in meliorem ingressi consiliorum viam, non deinde ad petulantium iurgiorum maledicta, & ad furenter irascendum, animos impellatis: sicut in Pontificem Christi Vicarium, & in viros

Catho-

Catholicos contumeliosissimè soletis: Et tamen scurrā Lutherum, pestem Ecclesiæ Christi, per summam modetiam scurrā nuncupari delicati homines non finitis: sed grauter, dignissimeq; causam Christi, in quam animæ salus nostræ versatur, tractandam existimetis. Nam si illa vobis in dimicando prora & puppis erit, pugnam ordiri: deinde vulneratos fugere: summittere nouos calones, horumq; periculis & sceleribus configere: conducere bestias, scurras, pueros: iubere, ut si pugnare manus non possunt, rabie & latratu arrodant, & dignitatem hostis verbis & calamis consputent: illa si victoria spes vestræ, si triumphi vestri fiducia est, quid tandem futurum esse iudicas, Herbrande? Nos enim victoriā maleficentia, & aculeorum, & cauillationum scurræ nulli inuidemus: nec unquam voce calamoque nostro retundere cogitamus: tamen semper erunt honesti iuuenes, qui bestias & rusticos & scurras vestros iugulabunt veritatis fulgore, illuminataeque rationis præsidio: & rudenti sibilos eorum & latratus in te, Decanum tuum, scholamque Theologicam, sine villa verborum inuersione pulcherrimè tanquam obiectam pilam retorquebunt: ut quia in nobis haerere non possunt, in vobis tanquam visco agglutinata & adnixa claviculis, ad sempiternum ludibrium insistant.

Tum verò quam laudem, tu puerique tui, & quæ opima spolia, Herbrande, referetis: cùm pueros nostros vltores senilis impudentiæ vestræ, & vindices dicacitatis, & punitores petulantiae, qui maledicta non fingunt, sed arrepta ex libris scurrilibus vestris, in vos reiciunt, nemo vir prudens damnabit: vestram præcipitatem audaciam, interminatamque proteruitatem culpabunt omnes: cùm quasi in speculo fructus Theologiae vestræ aspicient: quorum Turcas & Gentiles puderet?

Et illud

Et illud, de quo superius egimus, quām facile erit, apponere semper Decanum, Decano tuo meliorem, qui nos vtilioribus laboribus consecratos, non abundare otio, & despiceret futilitatem vestram clamabit?

Ecquid igitur adhuc lucri, Herbrande, non dicam iam coram Deo, qui factorum à nobis rationem reposcet, sed coram mundo, & in Lutherana vestra Repub. in vrbe scholaque vestra, in amicorum, & liberorum oculis, ex ist hac puerili mentiendi conuiciandi que libidine, & ex illa feritate bestiarum expectabis? Quid cogitas, Herbrande, cùm ad dignum ætate iudicium tua te reuocas?

Habes, cur ego bestiam tuam: sic enim ab omni humana intelligentia abhorrentem, & ab omni hominum omnium sensu remotum hominem, sine conuictio nomine: cur alios scurras emissarios vestros, prædicabilia, agricultores, sutores, ne quidē si Stygias omnes paludes succensis ignibus linguarum torrebunt, dignaturus vñquā responso sim: & cur intercesserim, ne iam per duos optimos adolescentes, priusquam de altero actu fabulae nobis tuæ constaret, ex Donato, & ex illo abiecti que Philosophi Melanthonis, non præceptis, sed rudimentis Dialecticis (cur enim mactari ab Aristotele summo viro opus esset tam minutam & turpem bestiam?) bestia tua conficeretur.

Reliquum nihil est, nisi quod ante dixi: & iam ijsdem pene verbis repetam: & si nō venies, geminabo, & inclamabo deinde millies, vt nūc, postquam oculis manibusque spectatorum satis versata bestia, maximisq; cachinnis ludificata fuit, & longioris inspectionis vehementer tædet populum: in theatrum ipse te, nouosque lusores tuos introducas: & vbi peccatum à me in priori militia, & quo nouo milite fulciēdam malè materiatam planeque ruinosa causam tuam putas, nouo actu tradas. Id quanquam adhuc te facturum confidimus: tamen rur-

sus mo.

AD D. IACOBVM HERBRANDVM. 177
sus monaco: obtestor: postulo: si vir esse bonus, si grauis senex, si antesignanus Doctor Vbiquisticae Lutheranae opinionis, si amans pietatis, si respectum habere ad Christi gloriam, si spe duci æternæ beatitudinis videri à nobis cupis: vt bellum ista alacritate, qua vibrare primas sicas, & qua ad conserendam manum euocare me cœpisti, continues: & vulnera in te, coetumque tuum inflicta, ipse sanes. Nec Pistorium iam indignum fingas, nec per fraudem fingi à tuis sinas, quem lacefendum putasti, quem non despiciendum, dissidens à Schmidelino tuo, cùm ille animosior esset, saepè multumque, cùm Analysis mea legisses, contestatus in epistolis, in cōuiuijs, in itineribus fuisti: cùm Decanus honoris tui rationem non habet: tamen existimationem senilem tuam tu defende: & vel te profitere victum, & sub suaqe Christi ab acerbissima Lutheri seruitute, submitte iugum: vel si audes, compare ad bellum nouum: circūspice de meliori pugna. Concedam libenter, si alia armamenta, quām bestiæ, quibus te cōuestias, non inuenies, vt illis ijsdem pugnes: & si distentus negotijs ne quidem vnum diem vacuum habes: decerpe aliiquid de prandijis tuis: & tribus verbis publicis aperi animum: ascribe inter edendum in charita, placere tibi nouam, quam fecisti, bestiam, & credere, recte defensum esse Lutheranorum concursum. Si typis non vis, scribe manu: tantum vt sciam. An verò credibile nobis facies, sic vniuersam negotiorum molem in te solo recubuisse, vt tam paucas voculas, etiam sinistra manu poculum sustinens, scribere dextra, & exiguo indicio voluntatem declarare non possis tuam? Ac quiescam perlubenter, si istam spem totam tuam esse: si sub bestiæ armis velle causam periclitari: & vel succumbere, vel vincere: si cùm bestia confecta est, te perfosum esse, & uno vulnere te bestiamque tuam verberari cōfiteberis: non quod repugnem vt diligentius te munias: sed quod in arbitrio tuo relinquam.

Z

Adu-

Adiuro vicissim, vt Christi discipulus sum, sic factum, quaqua ratione tu sauias: modū enim crudelitati vestræ non constituam: vt in toto responso, etiam cùm in te bestiam iugulari iubebis, nulla immoderata vox, verbum nullum conuicio illigatum, nullum indicium insuauioris iurgij compareat. Nam quod sceleratum cōuiciatorem Osiandrum, cùm sponte, non lacepsitus, incredibili furore, honestatem meam arrosisset: & iam bestiam tuam, immanium belluarum conuiciatricem bestiam, non mea vel consuetudine, vel voluntate, sed ipsorum meritis & indignitate causæ tractavi asperius: Deum testor, vix potuisse à modestia mea impetrari, vt dignum scurram Osiandrum, nunquam futurum Hosiandrum, haberem, nisi ciuilis criminatio fuisset: & nisi Principes mei, nisi amici, nisi liberi iussissent, quorum omnium dignitatem per me latusque meum vulnerari dicebant. Nec bestiam, uno verbo nominasse: nisi tu ex fuga reuocandus, & vt in bellum tecum, à te commotum sisteres, commonendus fuisses.

Vt in prima epistola cum Grynæo egeram lenissimè; sic istum morem, quem causa requirebat, tenere constitueram: & tenebo profectò deinde: vt quid differat ab hæretico Lutheri discipulo, vir Catholicus, in schola institutus Christi, planum testatumque faciam omnibus: nisi quod quamdiu Pontificem, Caput in terra Religionis Christianæ, petulantissimis verbis vestris configetis: eosque futurum non sperem, vt Lutherum caput errorum omnium, vicissim scurram, & exitium Germaniæ, & hostem Christi nominari, ægrè molesteque ferre, vel pro conuicio reputare, cùm rem intelligenti synceroq; iudicio perpendet, consideratus aliquis affecia sedet vestræ possit.

Sic igitur in nomine Christi, Dei maximi nostri, & pro huius gloria, Herbrande, pugnam tecum & cum Grynæo honestè finiam: non iam aliter à quadriennio

medicus,

medicus, quām vt cœcitatī vestræ adhibeam medicinā: Theologus certè in cognoscendo Christo, etiamsi puer Catholicus essem, omnibus hæreticis Doctoribus multò melior, multoq; perfectior. In literatura enim Theologica aliud nihil ascribam, quām tantum in rebus me & linguis consecutum esse, quantum afferre primum diuturnitas studij, totaque mea à decimo vitæ anno, usque in hunc diem, in legendis erroribus vestris, decursa ætas; deinde homini ad D̄eum intento, nec prorsus habeti gratia cælestis, & quadriennio iam integrō applicata ad synceriorem Theologiam diligentia potuit. De Lutheri fortassis delirationibus gloriari possem, multò me illas diligētius introspexisse, multoq; plenius vobis: vt nisi iam & mihi, & alijs ad aspiciendam authoris & doctrinæ deformitatem, & ad eō magis refugiendam turpitudinem prodeßent, dolorē plurimum, tantum, tamque commodum tempus fuisse in istius miseriæ lectiōnem conuersum. Verū ista satis, & quidem celerrimè: vt vides.

Decano tuo, præcentori bestiæ, si lineam vnam appinxisset, in qua vel causam nostram ageret, vel alienam in te librisque tuistoties damnatam nouo fuco, nouaque veri similitudine cohonestaret: id est, si verbū vnum dignum responso, & non antea refutatum posuisset, perlitter responderem: Si fructum animaduerterem, quem inde capere Ecclesia Christi posset. Tamen ne se contemni arbitretur, gladios, quibus ineptè perfodere Catholicam Christi Ecclesiam, & huius in terris Gubernatorem voluit, breuissimè in ipsius iugulum reiçiam: vsus ipsius verbis, & argumētis, & ordine: vt inanitatem suam ipse videat. Nihil confutabo: vt nihil confutationem postulat: verba ipsius, ratiocinationes, & concludingi modū nudè repetam: tantum variabo assumptionem, & vt ille Pontificis: sic ego Lutheri nomen subiçiam. Attende Herbrande, & considera.

P R A E F AT I O N I S , A` T V -
B I N G E N S I T H E O L O G I C O L V T H E R A
N O D E C A N O A N T E B E S T I A E L I B R U M
antepositæ, simplex imitatio, & ad Catho-
licæ Romanæ Ecclesiæ defensio-
nem conuersio.

Emporum similitudo & historiarum consideratio ostendunt, semper excitatos à Diabolo fuisse pseudo Prophetas, pseudo Apostolos, falsos Doctores. Inter hos autem maxime caput est Lutherus, quem ex paruis Indulgenciarum initijs, deinde mendacij infinitis Sathanas ad istam fecunditatem filiorum amplificauit: cùm Apostolorum primum successorem, & Scripturæ primum interpretem post annos intermedios 1500. finxit: & sine Scriptura, & sine specie Scripturæ, mentiri iussisset, S. Petrum fuisse nunquam Romæ, nec si fuisse, pertinere ad ceteros successores S. Petri sanctimoniam, & multos Papas fuisse Hereticos & Nigromaticos: cùm Lutherus antecessores sua doctrina, quam paulatim quotidiani accessionibus coagmentabat, haberet nullos: successores licentie & libidinis haberet Zwinglium, Anabaptistas, S. Venckfeldum, Georgium David, Libertinos, Arrianos, monstra omnia, & Diaboli instrumenta: cùm artem magicam adhuc Monachus anno 1518. consq. Lutherus didicisset, ut partes, & species, & modos cantionum magicanarum & veneficiorum teneret omnes; & sub specie confutationis populo VVitembergensi ordine de Cathedra recitaret, tanquam si ad rem istam singulariter instructus, & in usu artis diuversatus esset.

Hunc cum suo regno Lutherum, ut agnosceretur à pijs, Daniel à Deo dilectus Propheta graphicè descripsit, cùm primum ait: quod iuxta voluntatem suam facturus sit Rex: Quod incredibili impudentia sua mutandi, mutilandi, reiciendi Scripturam; indicandi Patres & Ecclesiam; fingendi ad arbitrium sensus in Scriptu-

Scriptura, despiciendi omnes Cæsares, Reges, Principes, Doctores, prestitit Lutherus: cuius illa testata & inscripta in libro vox est:

Sic volo, sic iubeo, stat pro ratione voluntas.

Secundò subiungit Daniel: Et eleuabitur & magnificabitur, seu extolleret se aduersus omnem Deum: Quæ verba Apostolus repetivit & exprefit, cùm ait: Aduersatur & extollitur supra omne quod dicitur Deus, aut quod colitur; ita, ut in templo Dei sedeat, ostendens se, tanquam sit ipse Deus. Christus iussit audire Ecclesiam: Lutherus ne quidem esse fingit Ecclesiam: aut si sit, non posse tanquam occultatam audiri. Christus mandat, ut qui possint capere, capiant, & esse qui seipso castrent propter regnum cœlorum: Lutherus vult, non posse capi, aut rarisime, aut nunquam ad spem diuturnam; nec esse in potestate hominis, à Spiritu Sancto illuminati, ut se castret. Christus non precepit, ut sub salutis discrimine, duas species sumeremus: idq. Lutherus primum concepit: deinde verò contra Christum & se, ingressus in nouam libidinem, & à nigro spiritu post aliquot annos magis confirmatus, omnino iussit. Paulus dicit eligendum, qui unius uxoris vir fuerit, Episcopum: Lutherus non unius, sed etiam trium & septem uxorum maritum Ecclesia prefecit. Paulus vult, qui abstinent ab uxoribus esse beatiores: Lutherus negat: & ne quidem duas species in Cœnam tam necessarias putat quam sacerdotum nuptias. Paulus consulit, ut uxor ad effugiendam fornicationem ducatur: Lutherus iubet, ut tametsi nullus est ustitutionis sensus, vel fornicationis metus, tamen ducatur.

Tertiò: Et aduersus Deum loquetur mirabilia. Id an Lutherus fecerit, ne quidem dubium esse potest: qui doctrinam suam, ab Angelis, ab Ecclesijs, ab hominibus iudicari non patitur: qui Philippum Grammaticum homuncionem ad latus S. Pauli apponit: qui tanquam porcus in Scripturam & omnes Ecclesijs tumultuat: qui Deum omnia peccata in nobis operari, & nō magis virtutes in Sanctis, quam sclera in impijs sensit: qui anima immortalem esse non concessit: qui Angelos sue libidini subiecit: qui se omnibus omnium gentium Ecclesijs prælulit: SS. Patres

incredibili ludibrio despexit: Sanctum Iacobum S. Paulo, tanquam dissentientem Apostolum Apostolo opposuit: eius Epistola dubiam fecit: S. Ioannis Apocalypsin à Spiritu Sancto traditam esse negauit: ne quidem Sanctissima Virgini, & Sanctis Martyribus pepercit: qui omnia iura ex scrinio sordidi pectoris sui iudicauit: ad libidinem carnis effutiuuit omnia: verba sua pro Christi verbis haberi voluit: qui verbo se uno Saxoniae Principem Georgium posse de vita tollere, impudenter gloriari non dubitauit.

Quarto: Et Deum Patrum suorum non reputabit: quod Lutherus cumulate prestatit: reiecto Deo, quem per annos 1500. patres ipsius coluerunt: & quasi mortuus esset cum Apostolis verus Deus, sic Apostata viliissimus suscitare ex somno vel morte post maximum temporis decursum voluit. Negauit Sacrificium corporis & sanguinis esse propitiatorium: qui omnem sibi cælitus impletatam Scripturæ nouam interpretationem, & se de cælo missum nouum Euangelistam credi iussit: proprium fabricauit Deum Maximum in Nisolia, Deum propriae fortissimæ fiducie, nec in Scriptura traditum, nec à Sanctis Patribus receptum: cuius inspiratione & fortitudine, quisq. Lutheranus non tantum, cum adhuc à morte longè abest, sed etiam post mortem, nouus noui Dei Propheta, certam salutem sibi, certamque regni cælestis possessionem promittit: tametsi quotidie millies fornicetur, & occidat millies: ut Lutherus publicè scribere non dubitat.

Quinto: Et desiderium fæminarum non intelligit: in quo Lutherus excelluit: qui vota pacta à fæminis discidit: qui quoique moderata mulierum cupiditas progredieretur, non perspexit: qui non desideria, sed libidines mulierum explevit.

Sexto: Contra Sacrificium iuge inualeset propter peccata hominum: An vero quicquam illustrius in Lutherum dici posset: qui unum Christi Sacrificium, relictum nobis in oratione & Cœna: in illa quidem corruptum reliquit, in hac prorsus sustulit, persuasus noctu à Diabolo.

Illæ nota sunt AntiChristi, qua omnes in Lutherum: nulla
in Pa-

in Papatum conuenit: De his Daniel est vaticinatus: & Apostolus AntiChristum describit in signis mendacibus venturum cù mendacijs maximis.

Talia horreda AntiChristiani Lutheranisi mendacia sunt, quod Papam docere scribit Lutherus: homini tendenti ad cælum non bonum esse coniugium: contra epistolas Paulistatuere posse Pontificem: non satis esse Christum mediatorem: asciscendos Angelos & Sanctos ad officia, quæ Dei sunt propria: Christum non solum & unum satisfecisse pro peccatis, sed tantum pro culpa: nobis per passiones & opera satisfaciendum esse pro pænis: ab humano ingenio excogitatos cultus, adæquandos esse cum alijs, quos instituit Deus.

Sexenta alia sunt, que turpissimè mentitur Antichristus Lutherus: cùm pro unius adoratione Dei, mortuorum hominum invocationē à Pontificijs introduci: cùm in Scriptura plenissimè extare omnia: cùm Ecclesia traditiones non nuper institutas, sed ab Apostolica etate propagatas, antiquandas esse: cùm campanas à Catholicis baptizari: mutari cœnam contra Christi institutionem in sacrificium: mutilari cœnam non porrecta utræque specie: prohiberi nuptias & cibos: cùm Missam à multis authoribus conflatam: cùm adorationem Corporis Christi in Sacramentonouam & Idololatricam esse: cùm Catholicos non Scriptura, sed solis Patribus miti: cùm fingi à nobis ad arbitrium nostrum traditiones: cùm crucifigi Christum in Missa mentitur Lutherus, scurra mendacissimus: plenissimus errorum & absurditatum & blasphemiarum.

Talia monstrâ & portenta Lutherus primus omnium commisici ausus: & cum Decanus Tubingenis in Præfatione imitatus fuit: nullis usus Argumentis: sed tantum mendacia ex Lutheri deliramentis otiosè recitans. De reliquis enim conuicjys, quæ in me, personamque meam petulantiae & mobilitate lingua contegit, sollicitus non sum: tum quod perficuè falsa, in me non inhererant: redcant omnia ad spectabilem istis virtutibus Decanum: tum quod eiusmodi homines criminari me pro inanitate sua non possint: & satis sit, si simul colligata conuicia remittantur Tubingam ad

gam ad cohonestandum male & Theologia Decanum, illustrem co-
uiciatorem.

Ille sit, quem me esse voluit, id est stolidus patronus Lutheranismi, infelix Apostata, instabilis ac vagus Hereticus: magis cerebris sui iudicia, quam testimonia ex Scriptura colligens: & hæc male detorquens: illa non recte perpendens: fascinatus præstigijs Lutheri: miser iusto Dei iudicio excæcatus, & in sensum reprobum datus Decanus: superbissimus Goliath: stultus iactator: Sophista: clamator: præstigiator: emortua vel dormientis conscientie: rudens Decanus. Ista omnia accepta à Domino Decano ornamēta, quia nobis non placet, nec in nos conueniunt, remittimus ad spectabilitatem hominis, ut imaginem suam, à se omnibus lineamentis depictam, domi collusfreret: non quod ego cō-
uicium in hominem iacere: sed quod tantum iactare regere cupi-
am, & reddere in eum, à quo sumpta sunt.

Deum Patrem liberatoris nostri Iesu Christi, in Spiritu Sancto oramus, ut faciem Verbi sui, opera & studio Apostolorum accensam, & in Ecclesia Christi, inter diuturnas crassissimas, & plus quam cimerias Hereticorum omnium, & tandem pessimi Lutheri, voragini omnium errorum, tenebras, in tantis furoribus Sathanæ & mundi malitia, clementer conservare apud nos & posteros nostros dignetur, nec eam propter hereticorum ingratitudinem, confusione, tyrannidem, & persecutionem extingui sinat: sed propter gloriam nominis sui, & filij sui dilecti merita, ad nostram & multorum aliorum salutem, in tenebris huius mundi & densa caligine noctis, eam nobis prelucere in Ecclesia faciat ad vitam perpetuam. Sicut David canit: *Lucerna pedibus meis verbum tuum, & lumen semitis meis: & postea: Declaratio sermoni tuoru illuminat.* Et S. Petrus: *Hoc præcognoscite, Scripturam non esse priuatae interpretationis, vel initiorum. Ecclesia igitur Christi, & in ea verbo Dei attentes, tanquam lucerne lucenti in loco caliginoso, donec dies illucescat, & Lucifer orietur in cordibus nostris, benefacimus.*

Hæc pars bona est, quam Maria elegit, sedens ad pedes Saluatoris, audiens à capite Ecclesie, non legens sine Ecclesia ser-

monem

monem eius: quæ vt nunquam auferatur à nobis, nostrisque po-
steris, faxit Deus unus & trinus, cui honor, laus, & gloria in
sempiterna secula. Amen. Vale, Decane. Datum 14. Fe-
bruarij stylo correcto Anno 91. quo die ante annos 45. egona-
tus: & Princeps omnium monstrorum Lutherus 14. diebus post
repentino extinctus, & de nocturnis cum Sathanæ colloquijs ad
perpetuam eius consuetudinem translatus est.

F I N I S.

En igitur Herbrande, responsum ad Decani Præfationem: quanquam in aliena & non defensa causa: ta-
men vt grati, minimeque superbi hominis speciem, id
est, quidditatem, vt bestia tua explicat, ostenderem: &
vt videres quid posset imitatio: quod erit tanto vt spero
iucundius, quo magis me laborasse vides, vt eadem ver-
ba, quibus amantissimus tui Decanus pro libidine sua &
gratificandi tibi studio vsus fuit, tanquam in speculo
sub visum tuum reiecta, aspiceres: teque vestra loquendi
& conuiciandi consuetudine oblectares tanto magis.
Cætera, quæ vel tractata, vel intermissa à bestia tua sunt,
tractabimus: cùm tu proiectum gladium in manus ad
confligendum tecum recipies pro Christi gloria: iam
enim cùm ingrediendum in viam & in longinquam
profectionem: & cùm post aliorum librorum scriptio-
nem vix biduum ad Epistolam reliquit fuit, longior
nec à te exspectari nec perfici à me cohortatio potuit.
Sed heus Herbrande: si respondebis, primùm refer ocu-
los ad affectam ætatem tuam: intuere canos: considera
quam aliena ab annis esse tuis, & à capillis iurgia & con-
uicia debeat: deinde perpende, inter nos non pro no-
stra, sed pro Christi & Ecclesiæ dignitate dimicari: &
omnino ab officio requiri nostro, vt causam purissimam
non sordidemus impuræ linguæ petulantia. Id si tecum
reputabis: & rem cum re conferes: miraberis in respon-

A a
dendo

186 EPIST. AD D. IACOB. HERBRANDVM.

dendo hilaritatem comitatēmque meam. Tamen quo-
quo modo tu causam tuam ages: promitto me ista leni-
tate, in tractatione causæ maximè versaturum: ut te aspe-
ritatis tuæ, si quam interpones, pudere meritò debeat.

Vale Herbrande, & errore ipse te libera: quod fiet, si
quid Ecclesia Christi sit, diligenter in sacra Scriptura o-
culis animoque lustrabis: & conuentum tuum Ecclesiā

non esse & nefungi quidem posse senties. Datum ce-

leriter Friburgi Brisgoiae: 14. Februarij, qui

vobis quartus, ex pertinacia tuendi er-
roris est; Anno XCI.

Salutis tuae amantissimus.

Pistorius.

